



An Dr Chiara Chillè, Caomhnóir Ghailearaí Ealaíne Crawford, i mbun oibre. Grianghraf le Lost Studios

Déanann Gailearaí Ealaíne Crawford Seachtain na hOidhreachta a cheiliúradh le clár lom lán

D'fhógair **Gailearaí Ealaíne Crawford** go réachtálfaí clár imeachtaí, a bhfuil réimse leathan imeachtaí ann, mar chuid den **tSeachtain Oidhreachta Náisiúnta** (15 - 23 Lúnasa). Mar chuid den chlár, nochtfar rúin chaomhnaithe, déanfar ceiliúradh ar nósanna Chorcaí, agus cruthófar fleasca Lúnasa!

Tá Gailearaí Ealaíne Crawford ag obair i gcomhpháirt le **Leabharlann Cathrach Chorcaí** chun ceiliúradh a dhéanamh ar gach gné dár n-oidhreacht choiteann trí réimse imeachtaí a chur ar siúl a bheidh oiriúnach do chách. Réachtálfar na trí imeacht bheo i gcomhpháirt le Leabharlann



Cathrach Chorcaí, chomh maith le himeacht amháin ar líne don phobal náisiúnta agus idirnáisiúnta.

Cuirfidh Angela Byrne, léachtóir Béaloidis COC, tús leis an gclár ar an 15 Lúnasa agus caint á tabhairt aici ar **Shean-Nósanna agus ar Shean-Traidisiúin Chorcaí**. Ina dhiaidh sin, déanfaidh Caomhnóir Crawford, an Dr Chiara Chillè, plé ar chaomhnú an Bhailiúcháin Náisiúnta. Cuirfidh an t-ealaíontóir Seiko Hayase deireadh leis an gclár trí cheardlann a reáchtáil ar an tslí le fleasc speisialta fómhair a chruthú, ag tarraingt ar thraidisiúin na hÉireann agus na Seapáine.

Níos luaithe i mbliana, bronnadh **Deontas Caomhantais Chomhairle Oidhreachta 2026** ar Ghailearaí Ealaíne Crawford chun tacú le cúram agus le caomhnú na saothar ealaíne mar chuid den bhailiúchán. Mar chuid den deontas, rinne an gailearaí infheistíocht ar threalamh speisialaithe a chabhraíonn le grinnskrúdú agus le doiciméadú na saothar ealaíne. Cuirfidh trealamh nua na saotharlainne caomhnaithe go mór le cóireáil agus le soláthar na saothar. Tabharfaidh imeachtaí na Seachtaine Oidhreachta léargas spéisiúil don phobal ar an gcúlobair a dhéantar ar chaomhnú ealaíne. Tá an Chomhairle Oidhreachta ag tacú go gnaíuil leis an obair seo tríd an gCiste Maoirseachta Oidhreachta 2026.

Deir **Stiúrthóir Ghailearaí Ealaíne Crawford, Mary McCarthy**, “Tá an caomhnú mar chroílár obair Ghailearaí Ealaíne Crawford chun a chinntiú go ndéantar cothabháil ar ár mbailiúchán, ar ár gcartlann agus ar ár bhfoirgneamh chun go mbeidh siad i gcónaí ar fáil don phobal reatha agus don chéad ghlúin eile. Táimid i gcónaí ag cur lenár gcuid eolais maidir le caomhnú coisctheach chun go mbeidh níos lú idirghabhála ag teastáil sa todhchaí. Tá an fhoireann go fóill ag glacadh páirt i bhféilte



áitiúla agus náisiúnta le linn na bliana in ainneoin dhúnadh sealadach an ghailearaí dár dtogra mór athfhorbartha caipitil.”

Féach thíos nó téigh ar shuíomh Ghailearaí Ealaíne Crawford chun teacht ar chlár iomlán na Seachtaine Oidhreachta agus conas do thicéad saor in aisce a chur in áirithe.

CRÍOCH

www.crawfordartgallery.ie

Dyane Hanrahan, Bainisteoir Margaíochta & Cumarsáide

R: dyanehanrahan@crawfordartgallery.ie

T +353 (0) 21 4907856 M +353 (0) 86 8278151

Sorcha O'Brien, Feidhmeannach Margaíochta & Cumarsáide

R: marketing@crawfordartgallery.ie

T +353 (0) 21 4907856

Nótaí don eagarthóir

Más mian leat íomhánna ardaifeacha a [fheiceáil cliceáil anseo](#).

Clár na Seachtaine Oidhreachta le Gailearaí Ealaíne Crawford:

Sean-Nósanna agus Sean-Traidisiúin Chorcaí: Léargais ó Bhailiúchán Ghailearaí Ealaíne Crawford

Dé Sathairn, an 15 Iúil, 4pm

Leabharlann Cathrach Chorcaí

Ní gá áirithintí a dhéanamh

Bí linn nuair a thabharfaidh Angela Byrne léachtóir ó Roinn Béaloidis & Eitneolaíochta Choláiste na hOllscoile, Corcaigh, caint speisialta don tSeachtain Náisiúnta Oidhreachta. Breathnóidh Aoife ar shean-nósanna agus ar shean-traidisiúin Chorcaí mar a fheictear iad i saothar faoi leith ónár mBailiúchán.



Reáchtálfar an t-imeacht seo i Leabharlann Cathrach Chorcaí, ní ghearrfar aon táille ar an imeacht seo agus ní gá áirithintí a dhéanamh.

Conservation in Action: Bailiúchán Gailearaí Ealaíne Crawford á Thaifead

Imeacht beo, Dé Máirt 18 Lúnasa, 12.30pm, Leabharlann Cathrach Chorcaí

Imeacht ar líne, Dé Céadaoin 19 Lúnasa, 12.30pm, Ar líne via Zoom

Imeacht saor in aisce, ach is gá áirithint a dhéanamh

Nocht na rúin taobh thiar de na saothair ealaíne...Bí ann le Caomhnóir Gailearaí Ealaíne Crawford, an Dochtúir Chiara Chillè, agus an Dochtúir Micheal Waldron, Coimeadaí Bhailiúcháin agus Tionscadail Speisialta, le linn na Seachtaine Oidhreachta chun léargas uathúil a fháil ar an taighde, ar an teicneolaíocht, agus ar an saineolas a bhíonn i gceist chun plé le Bailiúchán Náisiúnta na hÉireann. Mar tá níos mó i gceist le haire a thabhairt do bhailiúchán ná earraí a choinneáil slán - caithfear a scéalta a chosaint do na glúnta atá le teacht chomh maith.

Nósanna an Fómhair: Ceardlann Ceardaíochta Lúnasa

Dé Sathairn an 22 Lúnasa, 12pm

Leabharlann Cathrach Chorcaí

Saor in aisce/Is gá áit a chur in áirithe

Don tSeachtain Náisiúnta Oidhreachta i mbliana, déan ceiliúradh ar mhí Lúnasa leis an ealaíontóir Seiko Hayase trí fhleasc speisialta fómhair a chruthú, ag tarraingt ar thraidisiúin na hÉireann agus na Seapáine. Mar chuid den cheardlann, úsáidfear snaidhm Nanohana Musubi - siombail de naisc láidre - chun fleasc a chruthú bunaithe ar snaidhmeanna traidisiúnta fómhair na hÉireann, agus teicnící nua a fhoghlaim chun do chuid fleasc Mizuhiki féin a dhéanamh amach anseo. Tá an cheardlann seo saor in aisce le freastal air, ach ní mór é a chur in áirithe roimh ré. Cuirfear gach ábhar ar fáil.

Maidir le Gailearaí Ealaíne Crawford

Tá an Gailearaí dúnta faoi láthair don phobal chun plan mór athfhorbartha a chur i gcrích; Claochlú Gailearaí Ealaíne Crawford



Is institiúid chultúrtha náisiúnta é Gailearaí Ealaíne Crawford atá suite i bhfoirgneamh oidhreachtas suntasach i gcroílár chathair Chorcaí, agus atá tiomnaithe do na hamharc-ealaíona, idir stairiúil agus chomhaimseartha. Agus é ag cur clár fuinniúil taispeántas sealadach ar fáil, tá bailiúchán náisiúnta tábhachtach faoina dhíon freisin a insíonn scéal spéisiúil Chorcaí agus na hÉireann le trí chéad bliain anuas.

Tógadh ar dtús i 1724 é mar Theach Custaim na cathrach agus tá Múnlaí cáiliúla Canova ar taispeáint sa Gailearaí, a bronnadh ar Chorcaigh dhá chéad bliain ó shin. I measc bhailiúchán an ghailearaí, tá os cionn 3,500 saothar ó ealaíontóirí comhaimseartha na hÉireann agus idirnáisiúnta Isabel Nolan, Gerard Byrne, Joy Gerrard, Rula Halawani, Kathy Prendergast, Dorothy Cross, Sean Scully agus Nedko Solakov mar aon leis na saothair ó na healaíontóirí a bhfuil an-tóir orthu James Barry, Mainie Jellett, Daniel Maclise, Norah McGuinness, Harry Clarke, Seán Keating, John Lavery, Evie Hone, Patrick Scott, Mary Swanzy agus Jack B. Yeats.

Maidir le Claochlú Gailearaí Ealaíne Crawford:

Tá Gailearaí Ealaíne Crawford dúnta ó Mheán Fómhair 2024 chun tabhairt faoi thogra athfhorbartha caipitil a bheidh go hiontach ar fad: Claochlú Gailearaí Ealaíne Crawford.

Cuirfidh an infheistíocht, ar fiú na milliúin euro é, beagnach 50% breise le spás an ghailearaí, agus déanfaidh sé trí chéad bliain d'oidhreacht thógtha a chaomhnú agus a chosaint, agus cruthófar oidhreacht chultúrtha don ghlúin amach romhainn de réir mar a bheidh Corcaigh ag leanúint ag fás.

Is togra de chuid Thograí Rialtas na hÉireann 2040 é atá ag fáil maoiniú ón Roinn Cultúir, Cumarsáide agus Spóirt i gcomhar le hOifig na nOibreacha Poiblí (OPW).

Tá Ailtirí Grafton [a bhfuil gradaim bainte acu tar éis obair a dhéanamh ar dhearadh athfhorbartha](#) lena n-áirítear áis Foghlama agus Fiosraithe nua le rannpháirtíocht ghníomhach, stóráil shuntasach don Bhailiúchán Náisiúnta, bealach isteach nua, agus spás poiblí a bheidh feabhsaithe go mór lena n-áirítear caifé nua ar Shráid na Leathghealaí chomh maith le spásanna taispeántas breise. Beidh bealach isteach an fhoirgnimh curtha ar ais go Plás Emmet de réir leagan amach Theach an Chustaim a chuaigh siar go 1724. Cruthófar spás gailearaí mór nua, a chruthaíonn radharc do chuariteoirí chun féachaint ar shainchomharthaí i lár na cathrach lena n-áirítear Ardán San Anna, An Seandún agus Ardeaglais Naomh Fionnbarra.

Chun níos mó eolais a fháil ar Chlaochlú Gailearaí Ealaíne Crawford, is fearr clárú do nuachtlitir an ghailearaí ar www.crawfordartgallery.ie nó lean sinn ar mheáin shóisialta an ghailearaí.